



Broj: 16-12-16-5737- 12/23  
I. Sarajevo, 06.09. 2023. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 25. stav (1) tač. f) i g) i člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14 i 59/22), člana 9. stav (2) Pravilnika o uslovima i načinu korištenja e-aukcije („Službeni glasnik BiH“, broj 66/16) i Izvještaja o toku i završetku e-aukcije od 04.09.2023. godine, na preporuku Komisije za nabavke za potrebe Državne agencije za istrage i zaštitu u 2023. godinu broj 16-12-16-5737/23 od 05.09.2023. godine, u otvorenom postupku javne nabavke potrošnog materijala za računarsku i komunikacijsku opremu za potrebe Državne agencije za istrage i zaštitu, direktor Državne agencije za istrage i zaštitu, d o n o s i

### ODLUKU

o izboru najpovoljnijeg ponuđača u postupku javne nabavke potrošnog materijala za računarsku i komunikacijsku opremu za potrebe Državne agencije za istrage i zaštitu

#### Član 1.

U postupku javne nabavke potrošnog materijala za računarsku i komunikacijsku opremu za potrebe Državne agencije za istrage i zaštitu (daljem tekstu: Agencija), putem otvorenog postupka za dostavljanje ponuda, korištenjem e-aukcije, na preporuku Komisije za nabavke za potrebe Agencije u 2023. godinu broj 16-12-16-5737/23 od 05.09.2023. godine, okvirni sporazum na period od dvije godine se dodijeljuje za:

- LOT 1 - Nabavka potrošnog materijala za računarsku opremu, ponuđaču „INTER-COM d.o.o. Zenica“, ponuda broj 16-12-16-5737-6/23 od 03.08.2023. godine, za ponudenu cijenu u iznosu od 46.600,00 KM bez uračunatog PDV-a;

- LOT 2 - Nabavka materijala za popravku komunikacijske opreme, ponuđaču „MIBO Komunikacije d.o.o. Sarajevo“, ponuda broj 16-12-16-5737-5/23 od 03.08.2023. godine, za ponudenu cijenu u iznosu od 25.640,00 KM bez uračunatog PDV-a;

- LOT 3 - Nabavka materijala za računarsku opremu za prenos i pohranjivanje podataka, ponuđaču „Artco Group d.o.o. Sarajevo“, ponuda broj 16-12-16-5737-9/23 od 03.08.2023. godine, za ponudenu cijenu u iznosu od 18.950,00 KM bez uračunatog PDV-a.

#### Član 2.

(1) Ponuđači „INTER-COM d.o.o. Zenica“, „MIBO Komunikacije d.o.o. Sarajevo“ i „Artco Group d.o.o. Sarajevo“ obavezni su ugovornom organu dostaviti dokaz o ispunjavanju uslova iz tač. 11.1. i 12.2. Tenderske dokumentacije.

(2) Dokaze iz stava (1) ovog člana (orginal ili ovjerena fotokopija) ponuđači su obavezni dostaviti ugovornom organu u roku od pet dana od dana prijema ove odluke.

#### Član 3.

Ova odluka se dostavlja ponuđačima u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

#### Član 4.

Za izvršenje ove odluke zadužuje se Sektor za materijalno-finansijske poslove Agencije.

#### Član 5.

Ova odluka stupa na snagu danom donošenja.

#### O b r a z l o ž e n j e

Odlukom broj 16-12-16-5737-1/23 od 05.07.2023. godine pokrenut je postupak javne nabavke potrošnog materijala za računarsku i komunikacijsku opremu za potrebe Agencije, na period od dvije godine, procijenjene vrijednosti 119.655,00 KM bez uračunatog PDV-a, za koje je obavještenje o javnoj nabavci broj 1161-1-1-137-3-35/23 od 10.07.2023. godine i u „Službenom glasniku BiH“, broj 49/23“ od 14.07.2023. godine. Novčana sredstva za realizaciju navedene nabavke obezbijedena su u okviru budžetskih sredstava za 2023. godinu, a na osnovu Zakona o budžetu institucija Bosne i Hercegovine i međunarodnih obaveza Bosne i Hercegovine za 2023. godinu („Službeni glasnik BiH“, broj 22/23) i Dokumenta okvirnog budžeta 2023. - 2025. godine. Za navedeni postupak javne nabavke predviđena je e-aukcija, u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik). Predmet javne nabavke podijeljen je na tri lota:

- LOT 1 - Nabavka potrošnog materijala za računarsku opremu, procijenjene vrijednosti 51.280,00 KM bez uračunatog PDV-a;

- LOT 2 - Nabavka materijala za popravku komunikacijske opreme, procijenjene vrijednosti 25.640,00 KM bez uračunatog PDV-a;

- LOT 3 - Nabavka materijala za računarsku opremu za prenos i pohranjivanje podataka, procijenjene vrijednosti 42.735,00 KM bez uračunatog PDV-a.

Obzirom da je tačkom 23. Tenderske dokumentacije navedeno da je rok za dostavljanje ponuda 03.08.2023. godine do 12,00 sati, te da se ponude dostavljaju u zatvorenoj koverti, Komisija je dana 03.08.2023. godine u 13,00 sati izvršila javno otvaranje ponuda prema datumu i vremenu prijema, numerišući kovertu.

Blagovremeno je dostavljeno ukupno sedam ponuda i to:

R/B	Naziv ponuđača	LOT	Ponuđena cijena bez uračunatog PDV-a
1.	„ALF-OM d.o.o. Banja Luka“	LOT 3	42.000,00 KM
2.	„MIBO Komunikacije d.o.o. Sarajevo“	LOT 1	51.280,00 KM
		LOT 2	25.640,00 KM
		LOT 3	42.730,00 KM
3.	„INTER-COM d.o.o. Zenica“	LOT 1	50.500,00 KM
		LOT 3	41.000,00 KM
4.	„DIGITARIJA d.o.o. Sarajevo“	LOT 3	42.345,60 KM
5.	„R&S d.o.o. Sarajevo“	LOT 3	42.730,40 KM
6.	„Artco Group d.o.o. Sarajevo“	LOT 3	42.000,00 KM
7.	„Uma Muller Group d.o.o. Sarajevo“	LOT 1	51.280,00 KM
		LOT 3	42.735,00 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, br. 39/14 i 59/22) (u daljem tekstu: Zakon), sačinila Zapisnik o otvaranju ponuda, koji je dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Tenderskoj dokumentaciji.

Komisija je utvrdila da su ponude ponuđača „ALF-OM d.o.o. Banja Luka“ (LOT 3), „MIBO Komunikacije d.o.o. Sarajevo“ (LOT 1, LOT 2 i LOT 3), „INTER-COM d.o.o. Zenica“ (LOT 1 i LOT 3), „DIGITARIJA d.o.o. Sarajevo“ (LOT 3), „R&S d.o.o. Sarajevo“ (LOT 3), „Artco Group d.o.o. Sarajevo“ (LOT 3) i „Uma Muller Group d.o.o. Sarajevo“ (LOT 1 i LOT 3), prihvatljive odnosno da ispunjavaju kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti, kao i formalno-pravne uslove iz Tenderske dokumentacije.

Komisija je od Odsjeka za informatiku, komunikacije i sigurnost informatičkih sistema Sektora za operativnu podršku broj 16-12-16-5737/23 od 30.08.2023. godine, tražila da na osnovu uvida u ponude ponuđača „ALF-OM d.o.o. Banja Luka“ (LOT 3), „MIBO Komunikacije d.o.o. Sarajevo“ (LOT 1, LOT 2 i LOT 3), „INTER-COM d.o.o. Zenica“ (LOT 1 i LOT 3), „DIGITARIJA d.o.o. Sarajevo“ (LOT 3), „R&S d.o.o. Sarajevo“ (LOT 3), „Artco Group d.o.o. Sarajevo“ (LOT 3), „Uma Muller Group d.o.o. Sarajevo“ (LOT 1 i LOT 3) dostave stručno mišljenje u pogledu ocjene tehničkih uslova postavljenih u Tenderskoj dokumentaciji. Odsjek za informatiku, komunikacije i sigurnost informatičkih sistema Sektora za operativnu podršku aktom broj 16-10-16-5737/23 od 30.08.2023. godine dostavio je stručno mišljenje, u kojem je navedeno da ponude ponuđača „ALF-OM d.o.o. Banja Luka“ (LOT 3), „MIBO Komunikacije d.o.o. Sarajevo“ (LOT 1, LOT 2 i LOT 3), „INTER-COM d.o.o. Zenica“ (LOT 1 i LOT 3), „DIGITARIJA d.o.o. Sarajevo“ (LOT 3), „R&S d.o.o. Sarajevo“ (LOT 3), „Artco Group d.o.o. Sarajevo“ (LOT 3), „Uma Muller Group d.o.o. Sarajevo“ (LOT 1 i LOT 3), ispunjavaju tehničke uslove postavljene u Tenderskoj dokumentaciji.

Obzirom da je Tenderskom dokumentacijom za postupak javne nabavke potrošnog materijala za računarsku i komunikacijsku opremu za potrebe Agencije predviđeno provođenje e-aukcije u skladu sa Pravilnikom, da su za LOT 1 zaprimljene tri prihvatljive ponude ponuđača „MIBO Komunikacije d.o.o. Sarajevo“, „INTER-COM d.o.o. Zenica“ i „Uma Muller Group d.o.o. Sarajevo“, za LOT 3 zaprimljeno sedam prihvatljivih ponuda ponuđača „ALF-OM d.o.o. Banja Luka“, „MIBO Komunikacije d.o.o. Sarajevo“, „INTER-COM d.o.o. Zenica“, „DIGITARIJA d.o.o. Sarajevo“, „R&S d.o.o. Sarajevo“, „Artco Group d.o.o. Sarajevo“ i „Uma Muller Group d.o.o. Sarajevo“, Komisija je zakazala e-aukciju za dan 04.09.2023. godine i to za LOT 1 u 11,00 sati u trajanju od 20 minuta i za LOT 3 u 11,30 sati u trajanju od 20 minuta.

Imajući u vidu da je za LOT 2 zaprimljena jedna prihvatljiva ponuda, Komisija nije zakazivala e-aukciju u skladu sa članom 3. stav (3) Pravilnika, već je postupak javne nabavke za LOT 2 okončala u skladu sa članom 64. stav (1) tačka b) Zakona, primjenjujući kriterij najniže cijene iz tačke 20. Tenderske dokumentacije, te je sačinila rang listu ocijenjene ponude, kako slijedi:

R/B	Naziv ponuđača	LOT 2	Ponuđena cijena bez uračunatog PDV-a
1.	„MIBO Komunikacije d.o.o. Sarajevo“	LOT 2	25.640,00 KM

Prema Izvještaju o toku i završetku e-aukcije od 04.09.2023. godine, Komisija je sačinila konačnu rang listu ponuđača koji su učestvovali u postupku e-aukcije za LOT 1, kako slijedi:

R/B	Naziv ponuđača	Ponuđena cijena bez uračunatog PDV-a	Rang
1.	„INTER-COM d.o.o. Zenica“	46.600,00 KM	1
2.	„Uma Muller Group d.o.o. Sarajevo“	46.749,50 KM	2
3.	„MIBO Komunikacije d.o.o. Sarajevo“	47.500,00 KM	3

Prema Izvještaju o toku i završetku e-aukcije od 04.09.2023. godine, Komisija je sačinila konačnu rang listu ponuđača koji su učestvovali u postupku e-aukcije za LOT 3, kako slijedi:

R/B	Naziv ponuđača	Ponuđena cijena bez uračunatog PDV-a	Rang
1.	„Artco Group d.o.o. Sarajevo“	18.950,00 KM	1
2.	„INTER-COM d.o.o. Zenica“	19.000,00 KM	2
3.	„R&S d.o.o. Sarajevo“	20.181,20 KM	3
4.	„ALF-OM d.o.o. Banja Luka“	23.000,00 KM	4
5.	„DIGITARIJA d.o.o. Sarajevo“	23.232,00 KM	5
6.	„MIBO Komunikacije d.o.o. Sarajevo“	25.000,00 KM	6
7.	„Uma Muller Group d.o.o. Sarajevo“	42.735,00 KM	7

Shodno Izvještajima o toku i završetku e-aukcije od 04.09.2023. godine, Komisija je utvrdila da je za LOT 1 i LOT 3 bilo snižavanje cijena ponuda kao kriterij za dodjelu ugovora u rasponu od 0,1% do 10% najniže početne cijene svih ponuda u skladu sa članom 8. Pravilnika.

Komisija je nakon provedenog postupka ocjenjivanja dostavljenih ponuda, uvažavajući stručno mišljenje Odsjeka za informatiku, komunikacije i sigurnost informatičkih sistema Sektora za operativnu podršku, utvrdila da je ponuda ponuđača „INTER-COM d.o.o. Zenica“ ocijenjena kao najpovoljnija ponuda za LOT 1, da je ponuda ponuđača „MIBO Komunikacije d.o.o. Sarajevo“ ocijenjena kao najpovoljnija ponuda za LOT 2 i da je ponuda ponuđača „Artco Group d.o.o. Sarajevo“ ocijenjena kao najpovoljnija ponuda za LOT 3, te da iste ne premašuju procijenjenu vrijednost javne nabavke.

Cijeneći naprijed navedeno, prihvaćena je preporuka iz Izvještaja o radu Komisije i odlučeno da se okvirni sporazum na period od dvije godine u postupku javne nabavke potrošnog materijala za računarsku i komunikacijsku opremu za potrebe Agencije dodijeli ponuđaču „INTER-COM d.o.o. Zenica“ za LOT 1, ponuđaču „MIBO Komunikacije d.o.o. Sarajevo“ za LOT 2 i „Artco Group d.o.o. Sarajevo“ za LOT 3, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 7x;
- Sektoru za mat.-fin. poslove;
- a/a.

DIREKTOR  
GLAVNI GENERALNI INSPEKTOR POLICIJE

Darko Čulum

